

Na osnovu člana 16. stav 2. Zakona o Vladi Zeničko-dobojskog kantona–Prečišćeni tekst („Službene novine Zeničko-dobojskog kantona“, broj: 7/10), te člana 15. stav 2. Zakona o koncesijama-Prečišćeni tekst („Službene novine Zeničko-dobojskog kantona“, broj: 5/03), a u skladu sa Odlukom o dodjeli koncesije za istraživanje i eksploataciju metaličnog mineralnog resursa-ceruzita na lokalitetima Očekalj i Prgoševo K.O. Drecelj u općini Olovo („Službene novine Zeničko-dobojskog kantona“, broj: 11/12), na prijedlog Ministarstva za privredu, Vlada Zeničko-dobojskog kantona, na 17. sjednici, održanoj dana 10.07.2015. godine, d o n o s i

O D L U K A

o odobravanju produženja vremena dodjele koncesije za istraživanje metaličnog mineralnog resursa – ceruzita na lokalitetima Očekalj i Prgoševo u općini Olovo privrednom društvu “Geomet” d.o.o. Olovo

Član 1.

(Predmet)

Odobrava se privrednom društvu „Geomet“ d.o.o. Olovo produženje vremena dodjele koncesije za istraživanje metaličnog mineralnog resursa – ceruzita na lokalitetima Očekalj i Prgoševo, K.O. Drecelj u općini Olovo, za osamnaest mjeseci računajući od dana isteka Koncesionog ugovora, broj: 04-18-15242-1/12 od 20.7.2012. godine.

Član 2.

(Realizacija Odluke)

Zadužuje se Ministarstvo za privredu Zeničko-dobojskog kantona da u skladu sa ovom Odlukom i odredbama Zakona o koncesijama potpiše Anex koncesionog ugovora sa privrednim društvom „Geomet“ d.o.o. Olovo.

Član 3.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-_____/15.

Datum, 10.07.2015. godine

Zenica

PREMIJER

Miralem Galijašević

DOSTAVLJENO:

1x Ministarstvo za privredu,

1x Općina Olovo, putem ministarstva,

1x “Geomet” d.o.o. Olovo, putem ministarstva,

1x „Službene novine Zeničko-dobojskog kantona“,

1x a/a.